

# INUIT ATAQATIGIIT

## Inatsisartuni



20. april 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

- 1. Aatsitassanik uranimik akulinnik ujarlernissamut akuersissutit qassit Naalakkersuisunit ulloq manna tikillugu tunniunneqarsimappat?**
- 2. Aatsitassanik uranimik akulinnik ujarlernissamut akuersissutit ingerlatseqatigiiffinnut sorlernut tunniunneqarpat?**
- 3. Aatsitassanik uranimik akulinnik ujarlernissamik akuersissutinik tunineqartut ingerlatseqatigiiffiit ujarlerfissaat sumiippat?**
- 4. Aatsitassanik uranimik akulinnik ujarlernissamut akuersissutit tunniunneqartut pillugit Inatsisartut Ataatsimiititaliaat susassaartoq, taamalu Inatsisartoqarnikkut tunuliaqutaasoq, akuutinneqarpa?**
  - a. Tamanna qanga pisimava?**
  - b. Ataatsimiititaliaq susassaartoq akulerutinneqarsimangippat tamatumunnga suna tunuliaqutaava?**
- 5. Aatsitassanik uranimik akulinnik ujarlernissamik akuersissutit tunniunneqartarnerinut tunngatillugu Savaatillit Peqatigiit Suleqatigiissut malinnaatinneqarnerisigut akuutinneqarpat ilisimatinneqarpalluunniit?**
  - a. Taamaattoqangippat tamatumunnga suna tunuliaqutaava?**

(Inatsisartunut ilaasortaq Sofia Geisler, Inuit Ataqatigiit)

### **Tunggavilersuut:**

Ingerlatseqatigiiffiit ilaat Kujataani ujarlernissamut akuerissisummik pissarsisimasoq tamanut nalunaarpoq Kujataani akuersissutinik tunniussineq qaffariarujussuarsimasoq, ingerlatseqatigiiffiit allat qinnuteqarnerini sumiiffik 6.240 km<sup>2</sup> pineqarluni, taamaattumillu avammut nalunaartup ingerlatseqatigiiffiup sumiiffik Kujataa periarfigissaarluartutut kisimi isiginngikka.

Taamaattumik paaserusuppara qinnuteqaatini qassit uranimik akulinnik aatsitassanik ujarlernissamut attuumassuteqarnersut, aammalu apeqput pineqartoq pillugu Inatsisartoqarnikkut nakkutiginninneq qanoq inissisimansoq.

Kissaatigivara apeqputikka ullut suliffiusut qulit qaangiutinnginneranni akineqarnissaat.